



UNIVERSITI
TEKNOLOGI
MARA

Cawangan Perlis
Kampus Arau

Buletin InTouch

@ UiTM Cawangan Perlis

Edisi:
2022



Mendukung Misi GRU2025

Fokus Utama Amanat Rektor
UiTM Cawangan Perlis Bagi
Tahun 2022

Menarik di dalam



UiTM Cawangan Perlis Jalin Kerjasama
Bersama Korea Sports Promotion Foundation
(KSPO) Korea Selatan



Program Hari Hutan Sedunia (21 Mac),
Hari Air Sedunia (22 Mac) dan Ulang Tahun
Penubuhan Trash Hero Perlis Yang Ke-3



UiTM Cawangan Perlis Jalin Kongsi
Kepakaran Kepada Komuniti
Orang Asli Melalui ESKOM
2022



Majlis Menandatangani Memorandum
Perjanjian (MoA) Antara Universiti
Teknologi MARA (UiTM) Dengan
Universitas Gajah Mada (UGM)
Indonesia



UiTM CAWANGAN PERLIS ZAHIR KEPERIHATIAN KEPADA GOLONGAN ASNAF

Oleh:
Eliy Nazira Mat Nazir
Ustazah Noraini Ismail

Arau, 23 April 2022 – 140 buah rumah keluarga asnaf dan anak yatim telah menerima bantuan barangan keperluan dapur serta duit raya menerusi Program Jaulah Ramadhan Perlis-Kedah (Jaulah 1.0) yang telah diadakan pada hari ini.

Program anjuran bersama Unit Jaringan Industri, Masyarakat dan Alumni (ICAN), PJIMA UiTM Cawangan Perlis, Usrah A.M.A.L, Persatuan Prihatin Komuniti Negeri Perlis (Communicare) dan Kesatuan Kebangsaan Guru-Guru Agama Malaysia Barat (Cawangan Kedah) ini mensasarkan sebanyak 6 kawasan perkampungan di sekitar Perlis dan Kedah dengan penglibatan seramai 75 orang sukarelawan

dari kalangan staf UiTM Cawangan Perlis serta wakil-wakil NGO. Antara kawasan yang terlibat adalah Kampung Guring, Pauh, Kg Batu Bertangkup, Klinik Kesihatan Laka Temin, Kg Musa, Pedu, Kampung Bendang Tebal, Chepir, Sik, dan Pusat Penjagaan Anak Yatim Dan Miskin At-Taqwa, Baling.

Prof. Madya Ts. Dr. Shukor Sanim Mohd Fauzi, Rektor UiTM Cawangan Perlis menyambut baik program seperti ini kerana ia membuktikan bahawa UiTM perihatin terhadap masyarakat. Beliau turut menggalakkan warga kampus untuk terus menjalinkan kerjasama erat bersama NGO dan industri dalam kerja-kerja amal seperti ini dalam usaha ke arah pembangunan

sosiobudaya dan ekonomi komuniti.

Program Jaulah Ramadhan Perlis-Kedah siri pertama ini telah berjaya menerima sumbangan dan tajaan dalam bentuk wang tunai dan juga barangan. Antara agensi yang memberi sumbangan adalah Bina Darulaman Berhad, Majlis Agama Islam dan Adat Istiadat Melayu Perlis (MAIPS) dan *Hijabs by Hanami*.

Program bermula sekitar jam 8.00 pagi berakhir usai program agihan dan majlis berbuka puasa di Pusat Penjagaan Anak Yatim Dan Miskin At-Taqwa, Baling, Kedah sekitar jam 8.00 malam.